

Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna

**Ministarstvo prostornog uređenja, građenja, zaštite okoliša,
povratka i stambenih poslova**

Na temelju Odluke o usvajanju programa utroška sredstava s kriterijima namjenskih sredstava ostvarenih od prikupljenih sredstava u Fondu za zaštitu okoliša FBiH za 2026. godinu broj 01-11.7-1532/2026 od 26.02.2026. godine, s ciljem kvalitetne i transparentne provedbe projekata iz djelokruga zaštite okoliša u 2026. godini Ministarstvo prostornog uređenja, građenja, zaštite okoliša, povratka i stambenih poslova objavljuje :

J A V N I P O Z I V

**za podnošenje prijava za projekte Kapitalni transferi privatnim poduzećima i
poduzetnicima - za utopljanje zgrada, zbrinjavanje otpada, vodovod i
kanalizaciju“ u 2026. godini**

I

Predmet javnog poziva je prikupljanje prijava za dodjelu sredstava iz proračunskih sredstava za 2026. godinu.

Sredstva za provedbu ovog Programa utvrđena su proračunom Ministarstva prostornog uređenja, građenja, zaštite okoliša, povratka i stambenih poslova, razdjel 18, glava 01, budžetski korisnik 0001, izvor financiranja 30, ekonomski kod 615 500 – Kapitalni transferi javnim poduzećima - za utopljanje zgrada, zbrinjavanje otpada, vodovod i kanalizaciju u ukupnom raspoloživom iznosu od 150.000,00 KM.

Sredstva se dodjeljuju korisnicima sredstava za projekte kao nepovratna sredstva putem javnog poziva, a najmanje 30% sredstava dodjeljuje se na zahtjev korisnika sredstava kao interventna sredstva.

II

Kako bi se na odgovarajući način pristupilo rješavanju okolišnih problema potrebno je uložiti određena sredstva u slijedeće projekte:

A. PROGRAMSKA OBLAST - Financijska pomoć privatnim preduzećima i poduzetnicima za **aktivnosti sakupljanja i reciklaže posebnih kategorija otpada**

Cilj/izlazni rezultat projekta: U cilju realizacije Strategije razvoja Srednjobosanskog kantona kantona za period 2021.-2027. godina, te u skladu sa Uredbom o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava. („Službene novine Federacije BiH“, broj: 59/21) potrebno je pružiti pomoć u vidu subvencije privatnim preduzećima i poduzetnicima.

Navedena sredstva se dodjeljuju za projekte privatnih preduzeća kao poticaji u vidu finansijske pomoći za aktivnosti:

- sakupljanja i reciklaže posebnih kategorija otpada,

- poticajna sredstva dodjeljuju se sakupljaču za količine otpadnih guma, akumulatora i baterija, ulja i vozila koje su predate obrađivaču, a koje su dokazane i dokumentirane kao sakupljene i predane za prethodnu 2025. godinu.,

- poticajna sredstva dodjeljuju se operatoru-obrađivaču/recikleru otpada, za količine, prerađenog, recikliranog ili pripremljenog za energetska korištenje, otpada od guma, akumulatora i baterija, ulja i vozila, za prethodnu 2025. godinu.

Kriteriji: Sadržani su Uredbi o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava. („Službene novine Federacije BiH“, broj: 59/21), Uredbi o proizvodima koji poslije upotrebe postaju posebne kategorije otpada i kriterijima za obračun plaćanja naknada („Službene novine Federacije BiH“, broj: 59/21) i Pravilniku o postupku provođenja programa poticaja za aktivnosti sakupljanja i reciklaže posebnih kategorija otpada („Službene novine Federacije BiH“, broj: 83/23). Program će se realizirati putem Javnog poziva.

Poticajna sredstva dodjeljuju se sakupljaču za količine otpadnih guma, akumulatora i baterija, ulja i vozila koje su predate obrađivaču, a koje su dokazane i dokumentirane kao sakupljene i predane za prethodnu 2025. godinu.

Pravo sudjelovanja: Poticajna sredstva dodjeljuju se operatoru-obrađivaču/recikleru otpada, za količine, prerađenog, recikliranog ili pripremljenog za energetska korištenje, otpada od guma, akumulatora i baterija, ulja i vozila, za prethodnu 2025. godinu, kao i poduzećima koja posjeduju dozvole za aktivnosti male privrede u upravljanja otpadom/okolišne dozvole od KSB/SBK

B. PROGRAMSKA OBLAST - utopljanja stambenih zgrada radi uštede energije,

Cilj/rezultat projekta: utopljanje stambenih zgrada na području kantona radi uštede energije i povećanja energetske efikasnosti, kako bi se doprinijelo smanjenju negativnih utjecaja na globalne klimatske promjene

Pravo sudjelovanja ostvaruju: Privatna poduzeća sa područja KSB koja prema Zakonu o korištenju, upravljanju i održavanju zajedničkih dijelova i uređaja zgrade, imaju rješenje za obavljanje poslova upravitelja/certifikat od Ministarstva

III

Potrebna dokumentacija

Opći kriteriji:

- a) Čisto popunjen potpisan i/ ili ovjeren obrazac prijave koji se objavljuje uz javni poziv, a koji će biti dostupan u Ministarstvu prostornog uređenja, građenja, zaštite okoliša, povratka i stambenih poslova u Travniku, u općinskim službama ili na web stranici Vlade KSB/SBK
- b) Ovjeren premjer ili predračun radova, odnosno specifikacija materijala i/ili opreme i sl.

Prijave koje ispunjavaju opće kriterije mogu se dalje bodovati prema odgovarajućim ostalim kriterijima.

Ostali kriteriji:

- a) Poduzeća koji obavljaju proizvodnu, proizvodno - uslužnu i uslužnu djelatnost- max.30 bodova
Dokaz: A)- rješenje za obavljanje poslova upravitelja/certifikat od Ministarstva,
B)- dozvole za upravljanja otpadom/okolišne dozvole
- b) sufinanciranje projekata vlastitim sredstvima-Izjava max.20 bodova
- c) Stupanj povoljnog utjecaja na okoliš i održivost projekta-Izjava, max.10 bodova
- d) Prijedlog projekta - stvaranje preduvjeta za očuvanje postojećih i otvaranje novih radnih mjesta- Lista osiguranih lica (porezna ispostava) i Izjava aplikanta o upošljavanju novih lica max. 30 bodova
- e) Dokaz o registraciji aplikanta kod nadležnog suda – kao dokaz dostavlja se aktualni izvod iz sudskog registra – original ili ovjerena kopija
- f) Uvjerjenje o poreznoj registraciji, odnosno ID broj – ovjerena kopija ili original
- g) Uvjerjenje o izmirenim obavezama po osnovu javnih prihoda (ne starije od 3 mjeseca) ili sporazum o reprogramiranom, odnosno odgođenom plaćanju obaveza aplikanta po osnovu javnih prihoda

Da bi prijava bila prihvatljiva, treba biti ocijenjena sa minimalno 50 bodova, a maksimalan broj bodova koji može biti dodijeljen od strane komisije za ocjenu prijava po Javnom pozivu iznosi 90 bodova.

Uvjeti koje treba ispuniti da bi određeni projekat bio prihvatljiv su:

- a) Prijava je zadovoljila formalno - pravne uvjete učešća tj. opće kriterije
- b) Prijava je zadovoljila minimalne ostale kriterije po javnom pozivu i ocijenjena sa minimalno 50 bodova

IV.

Interventna sredstva

Ministarstva prostornog uređenja, građenja, zaštite okoliša, povratka i stambenih poslova će interventna sredstva dodjeljivati do 31. 12. 2026. godine odnosno do utroška raspoloživih sredstava, a na osnovu pristiglih zahtjeva koji ispunjavaju potrebne uvjete.

Sredstva će se dodjeljivati u skladu s općim i ostalim kriterijima utvrđenim u Odluci o usvajanju programa utroška sredstava s kriterijima raspodjele sredstava kapitalnih transfera.

Opći kriteriji:

- a) Čisto popunjen potpisan i/ ili ovjeren obrazac zahtjeva za interventna sredstva koji se objavljuje uz javni poziv, a koji će biti dostupan u Ministarstvu prostornog uređenja, građenja, zaštite okoliša, povratka i stambenih poslova u Travniku, u općinskim službama ili na web stranici Vlade KSB/SBK
- b) Ovjeren premijer ili predračun radova, odnosno specifikacija materijala i/ili opreme i sl.

Osnovni kriteriji:

- a) Udio vlastitih sredstava u iznosu od najmanje 20% od ukupne vrijednosti projekta 30 bodova
- b) Elementarna nepogoda – zapisnik Civilne zaštite, općinske službe, mjesne zajednice... 30 bodova
- c) Nepredviđeni i hitni projekti iz oblasti infrastrukture – izjava općine 30 bodova

Da bi prijava bila prihvatljiva, treba biti ocijenjena sa minimalno 50 bodova, a maksimalan broj bodova koji može biti dodijeljen od strane povjerenstva za ocjenu prijava po Javnom pozivu iznosi 90 bodova.

Uvjeti koje treba ispuniti da bi određeni projekat bio prihvatljiv su:

- a) Prijava je zadovoljila formalno - pravne uvjete učešća tj. opće kriterije
- b) Prijava je zadovoljila minimalne ostale kriterije po javnom pozivu i ocijenjena sa minimalno 50 bodova

V.

Maksimalni iznos sufinanciranja (iznos bespovratnih sredstava) koji se može ostvariti je 50% od visine ukupne investicije, pri čemu iznos odobrenih sredstava od strane Ministarstva ne može bit manji od 1.000,00 KM uključujući PDV.

Vlastito učešće podnosioca prijave mora iznositi minimalno 40% od visine ukupne investicije.

VI.

Povjerenstvo za pregled i bodovanje će razmotriti pristigle prijave po objavljenom Javnom pozivu i ocijeniti ispunjenost općih kriterija za bodovanje istih prema ostalim kriterijima i sačiniti popis svih dostavljenih i prihvatljivih prijava s obrazloženjem i mišljenjem.

Povjerenstvo donosi Kriterije za rad za utvrđivanje prijedloga liste uspješnih projekata za su/financiranje iz sredstava Ministarstva za 2026 godinu, kojima se detaljno razrađuju kriteriji, a koji služi za utvrđivanje prijedloga liste uspješnih projekata.

Povjerenstvo za stručni odabir podnosi izvještaj o svom radu ministru s prijedlogom odluke o dodjeli sredstava na bazi Javnog poziva za dodjelu sredstava za realizaciju programa, projekata i sličnih aktivnosti iz oblasti djelokruga zaštite okoliša za 2026. godinu.

Posebni kriteriji na osnovu kojih Vlada KSB na prijedlog ministra donosi Odluku o raspodjeli i izdvajanju sredstava sa sačinjenog popisa prihvatljivih prijava komisije za stručnu ocjenu, a koje zadovoljavaju opće i ostale kriterije su slijedeći:

- a) Razvojni kriterij (projekt je od značaja za Kanton/općinu/grad, održivost i razvoj zajednice) - preporuka/izjava općine o usklađenosti sa važećim strateškim dokumentom 5 bodova
- b) Disperzna raspodjela sredstava po općinama (u skladu sa veličinom, potrebama općine i broju podnesenih zahtjeva) 5 bodova

VII.

(Obavještenje i prigovor)

Aplikanti koji ne ispunjavaju formalno - pravne uvjete, zatim aplikanti čiji su projektni prijedlozi manje od 50 bodova i ne nalaze na predloženoj listi uspješnih projekata za su/financiranje iz namjenskih sredstava, mogu podnijeti prigovor Ministarstvu u roku od tri dana od dana objave konačne liste.

O prigovoru odlučuje ministar.

Odluka o prigovoru je konačna.

VIII.

Nadzor i kontrolu namjenskog korištenja sredstava od strane korisnika sredstava vršit će Povjerenstvo za nadzor koju imenuje ministar Ministarstva prostornog uređenja, građenja, zaštite okoliša, povratka i stambenih poslova, koja broji tri člana.

Kontrola će se vršiti na osnovu dostavljenih izvještaja korisnika, a po potrebi i neposredno kod korisnika sredstava.

IX.

Nakon objave preliminarne liste na stranici Vlade SBK i donošenja odluke Vlade Kantona o izdvajanju sredstava namjenskih sredstava sa korisnicima sredstava zaključit će se ugovor kojim će se urediti uvjeti način korištenja dodijeljenih sredstava, način praćenja namjenskog korištenja dodijeljenih sredstava, dokumentacija koju je korisnik sredstava obavezan dostaviti Ministarstvu, rok važenja ugovora.

X.

Prijavni obrasci, izjave kao i tekst ovog javnog poziva mogu se preuzeti na web stranici Srednjobosanskog kantona: www.sbk-ksb.gov.ba.

Elektronski ili čisto ručno popunjen, potpisan i ovjeren prijavni obrazac kao i izjave moraju biti potpisan i pečatiran od strane podnosioca zahtjeva.

XI.

Način dostavljanje prijava po Javnom pozivu.

Dostavljanje prijava projekata se vrši u zatvorenoj koverti poštom ili osobno na protokol

SBK/KSB

**Ministarstvo prostornog uređenja, građenja, zaštite okoliša,
povratka i stambenih poslova**

Stanična 43, 72270 Travnik

**"Prijava na Javni poziv - Kapitalni transferi privatnim poduzećima-
Odjel zaštite okoliša**

Poziv na broj 07-11- 1852/26

Ne otvarati

Javni poziv je otvoren do 13.04.2026.g. i objavljen na web stranici Vlade KSB, a za interventna sredstva je otvoren do kraja 2026. godine odnosno do utroška sredstava.

Javni oglas će biti objavljen na oglasnim pločama kantona, općina SBK/KSB i web stranici Vlade KSB (www.sbk-ksb.gov.ba)

Nepotpune prijave neće se uzeti u razmatranje.

Dodatne informacije mogu se dobiti na telefon: (030) 511 311.

Broj: 07-11-1852 /26
Travnik, 12.03.2026. god.

